

"Қазақстан Республикасының Үкіметі мен Нидерландтар Корольдігі Үкіметінің арасындағы халықаралық автомобиль қатынасы туралы келісімді бекіту туралы"
Қазақстан Республикасы Заңының жобасы туралы

Қазақстан Республикасы Үкіметінің қаулысы. 2003 жылғы 16 қантар N 23

Қазақстан Республикасының Үкіметі ҚАУЛЫ ЕТЕДІ:

"Қазақстан Республикасының Үкіметі мен Нидерландтар Корольдігі Үкіметінің арасындағы халықаралық автомобиль қатынасы туралы келісімді бекіту туралы"
Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қазақстан

Республикасының

Премьер-Министри

Жоба

ҚАЗАҚСТАН РЕСПУБЛИКАСЫНЫҢ ЗАҢЫ Қазақстан Республикасының Үкіметі мен Нидерландтар Корольдігі Үкіметінің арасындағы халықаралық автомобиль қатынасы туралы келісімді бекіту туралы

Астана қаласында 2000 жылғы 14 маусымда жасалған Қазақстан Республикасының Үкіметі мен Нидерландтар Корольдігі Үкіметінің арасындағы халықаралық автомобиль қатынасы туралы келісім бекітілсін.

Қазақстан

Республикасының

Президенті

Қазақстан Республикасының Үкіметі мен Нидерландтар Корольдігі Үкіметінің арасындағы халықаралық автомобиль қатынасы туралы

КЕЛІСІМ

Бұдан әрі Уағдаласуыш Тараптар деп аталатын Қазақстан Республикасының Үкіметі мен Нидерландтар Корольдігінің Үкіметі, экономикалық қарым-қатынас мүддесінде автокөлікпен жүктерді және жолаушыларды өз елдеріне/н және солардың елдері арқылы транзитпен тасымалдауды дамытуға жәрдемдесуге ынталана отырып, мыналар жөнінде келісті:

1-бап

Жалпы ережелер

1. Осы Келісімнің ережелері Қазақстан мен Нидерландтар арасында, олардың аумағы арқылы, ұшінші елдерге/ден және осы Келісімнің 2-бабында анықталғандай автокөлік құралдарын пайдаланумен каботаждық тасымалдарға, жалдау шартында, немесе сыйақы үшін, немесе өз есебінен халықаралық жүк және жолаушылар автотасымалдарына байланысты қолданылады.

2. Уағдаласуши Тараптардың жасасқан басқа да халықаралық келісімдерінен туындайтын құқықтары мен міндеттеріне осы Келісімнің қатысы жоқ.

3. Осы Келісім Еуропалық Одақ мүшесі - мемлекет ретінде Нидерландтар Корольдігімен Еуропалық Одақ заңдарын бұзбай орындау арқылы қолданылатын болады.

2-бап

Анықтамалар

Осы Келісімнің мақсаттары үшін:

1. "Тасымалдауши" термині Уағдаласуши Тараптардың бірінің мемлекет аумағында тіркелген және тіркеу елінде жалдау шартында, немесе сыйақы үшін, немесе өз есебінен, ұлттық заңдар мен ережелерге сәйкес, жүк пен жолаушылардың көліктік тасымалдарына заңды жіберілген жеке немесе заңды тұлғаны білдіреді;

2. "Көлік құралы" термині ішінде, тіпті болмағанда, бір көлік құралы Уағдаласуши Тараптардың бірінің мемлекет аумағында тіркелген, және тек қана жүктер немесе жолаушыларды автобуста тасымалдауға жабдықталған және пайдаланылатын бір көлік құралын немесе көлік құралдарының құрамын білдіреді;

3. "Каботаждық тасымалдар" термині Уағдаласуши Тарап мемлекеті аумағының шегінде екінші Уағдаласуши Тарап мемлекетінің аумағында тіркелген тасымалдаушының көлік тасымалдарын орындаудың білдіреді;

4. "Тасымалдау" немесе "тасымал" термині тіпті егер көлік құралының, тіркеменің, жартылай тіркеменің жолының ішінәра бөлігі темір жолмен немесе су жолымен өтсе де, жүгі бар немесе жүксіз көлік құралдарының мобиЛЬ жолымен жеткізілуін білдіреді.

3-бап

Рұқсат беру жүйесі

1. Әрбір Уағдаласуши Тарап екінші Уағдаласуши Тараптың аумағында тіркелген кез келген тасымалдаушыға мына халықаралық қатынаста жүктерді немесе жолаушыларды тасымалдауды жүзеге асыруға рұқсат беруі мүмкін:

а) бір Уағдаласуши Тарап елінің кез келген мекендері мен екінші Уағдаласуши

Тарап елінің кез келген мекендері және осы елдерден тысқары кез келген мекендер арасында;

б) егер өзгесі Бірлескен Комиссиямен келісілмесе, Уағдаласуши Тараптардың әрқайсысының құзыретті органдарымен немесе басқа уәкілетті агенттіктерімен берілетін рұқсаттары бойынша олардың елдері арқылы транзитпен тасымалдау.

2. Тасымалдардың мына түрлеріне немесе мыналар сияқты тасымалдарға байланысты бос рейстерге рұқсаттар талап етілмейді:

а) қоғамдық қызмет көрсету саласы ретінде пошта тасымалдауға;

б) бұзылған немесе сынған көлік құралдарын тасымалдауға;

в) жүкпен рұқсат етілген салмағы, тіркемені қоса 6 т аспайтын, немесе рұқсатпен пайдалы тиеге салмағы, тіркемені қоса 3,5 т аспайтын көлік құралдарында жүктерді тасымалдауға;

г) төтенше жағдайларда, атап айтқанда, табигат апат жағдайында, қажетті дәрі-дәрмектер мен жабдықты немесе басқа жүктерді тасымалдауға.

3. Егер әрбір Уағдаласуши Тараптың құзыретті органдарынан немесе басқа уәкілетті органдарынан арнайы рұқсаты болмаса, тасымалдаушыға каботаждық тасымалдарды жүзеге асыруға тыйым салынады.

4-бап

Салмағы және өлшемдері

1. Көлік құралдарының жалпы салмағы мен көлемдік өлшемдері көлік құралдарының ресми тіркеуіне сәйкес болуы және қабылдаушы мемлекетте қолданылатын нормалардан аспауы тиіс.

2. Егер осы Келісімнің шарттары бойынша тасымалдау кезінде пайдаланылатын жүкпен немесе жүксіз көлік құралының салмағы және/немесе көлемдік өлшемдері қабылдаушы мемлекетте белгіленген ең жоғары рұқсат етілетін салмақ пен көлемдік өлшемдерінен асса, қабылдаушы мемлекетте арнайы рұқсат талап етіледі.

5-бап

Ұлттық зандарға сәйкестігі

1. Бір Уағдаласуши Тараптың тасымалдаушылары мен олардың көлік құралдарының экипаждары екінші Уағдаласуши Тараптың аумағында болуы уақытында осы елде қолданылатын зандар мен ережелерді сақтауы тиіс.

2. Каботаждық тасымалдар жағдайында Бірлескен Комиссия қабылдаушы мемлекетте қолданатын зандар мен ережелерді дәл анықтайтын болады.

3. Осы Баптың 1 және 2-тармағында айтылған зандар мен ережелер ұлттық белгісі бойынша немесе тіркеу орны бойынша теңсіздік жағдайларын болдырмау үшін қабылдаушы мемлекет резиденттеріне дәл сондай шарттарда қолданылатын болады.

6-бап

Келісімді бұзу

Осы Келісімнің ережелерін Уағдаласушы Тараптардың бірінің аумағында тіркелген тасымалдаушы бұзған кез келген жағдайда, аумағында бұзу орын алған Уағдаласушы Тараптың құзыретті органдары, ұлттық заңдармен қарастырылған рәсімдерге сәйкес, екінші Уағдаласушы Тараптың құзыретті органдарына хабарлайды, олар ұлттық заңдарымен қарастырылған шараларды қолданады.

Уағдаласушы Тараптардың құзыретті органдары кез келген айып-жазалар туралы бір біріне дер кезінде хабарлайтын болады.

7-бап

Қаржы мәселелері

1. Осы Келісімге сәйкес тасымалдауға қатыстырылған көлік құралдары, олардың қосалқы бөлшектерін қоса, көлік құралдарын пайдалану немесе иелену үшін алынатын барлық салықтар мен алымдардан, сондай-ақ екінші Уағдаласушы Тараптың аумағында көлікті пайдалану үшін алынатын барлық арнайы салықтардан немесе алымдардан өзара босатылатын болады.

2. Эрбір Уағдаласушы Тараптың тасымалдаушылары автомобиль отынына салықтар мен алымдардан, көлік қызмет көрсетулеріне қосымша құн салығынан, жол алымдарынан және жолдарды пайдалану үшін алымдардан босатылмайды.

3. Уағдаласушы Тараптың аумағына енгізу кезінде стандартты бактердегі автомобиль отыны, сондай-ақ тек қана көлік құралдарына пайдалануға арналған олардағы жағармай материалдары кіргізу бажы мен кез келген салықтар мен төлемдерден өзара босатылатын болады.

8-бап

Бірлескен Комиссия

1. Уағдаласушы Тараптардың құзыретті органдары осы Келісімнің орындалуы мен қолдануына қатысты барлық мәселелерді шешетін болады.

2. Осы мақсатта Уағдаласушы Тараптардың құзыретті органдары Бірлескен Комиссия құрады.

3. Бірлескен Комиссия кез келген Уағдаласушы Тараптың құзыретті органдарының сұрауы бойынша тұрақты жиналады және оған Уағдаласушы Тараптардың өкілдері кіргізіледі, олар көлік өнеркәсібінің өкілдерін осы жиналыстарға шақыруы мүмкін. Бірлескен Комиссия өз ережелері мен рәсімдерін белгілейді. Бірлескен Комиссия кезекпен әр елде жиналатын болады. Қабылдаушы мемлекет мәжілістің төрағасы

болады. Күн тәртібін жиналысты ұйымдастырушы Уағдаласуши Тарап мәжіліс басталғанға дейін кемінде 2 апта бұрын өзірлейтін болады. Мәжіліс әрбір Уағдаласуши Тараптың делегация басшыларымен қол қойылатын хаттама құрастырумен аяқталатын болады.

4. Осы Келісімнің 3-бабының 1 және 3-тармақтарына сәйкес Бірлескен Комиссия берілетін рұқсаттардың үлгісі мен саны және рұқсат беру жүйесінің шарттары, еңбек шарттары мәселелерін қоса, туралы шешім қабылдайды. 3-баптың 2-тармағына қарамастан Бірлескен Комиссия рұқсат талап етілмейтін тасымалдар түрлері тізімін көбейтуі немесе өзгертуі мүмкін.

5. Бірлескен Комиссия мына мәселелерді ерекше қарайтын болады:

а) екі мемлекет арасында, басқа проблемалардың ішінде қоршаған ортаның мәселелерін ескере отырып, тасымалдарды үйлесімді дамыту;

б) көлік саясатын, көлік зандарын үйлестіруді және оның Уағдаласуши Тараптармен ұлттық және халықаралық деңгейде орындалуы;

в) проблемалар туындағанда, әсіресе қаржы және әлеуметтік салада, кеден және қоғамдық тәртіп мәселелерін қоса, қоршаған орта мәселелері бойынша тиісті ұлттық құзыретті органдарға мүмкін болатын шешімдерді келтіру;

г) іске қатысты ақпараттармен алмасу және даулар мен келіспеушіліктерді реттеу;

д) салмақ пен өлшемдерді белгілеу әдістемесін анықтау;

е) көлік кәсіпорындары мен ұйымдары арасында ынтымақтастықты дамытуға жәрдемдесу;

ж) рұқсат беру жүйесіне қатысты барлық мәселелерді қоса интермодальдік тасымалдауды дамытуға жәрдемдесу.

9-бап

Дау-дамайларды реттеу

Уағдаласуши Тараптар осы Келісімнің қагидаларын түсіндіру мен қолдануға байланысты пайда болуы мүмкін барлық дауларды Уағдаласуши Тараптардың Бірлескен Комиссиясының келіссөздер жүргізуі және кеңесулері жолымен шешетін болады. Дау-дамайларды кеңесулер және келіссөздер жүргізу жолымен реттеу бойынша барлық күш салу табысқа жетпеген жағдайда дау-дамай түпкілікті және міндетті шешім қабылдау үшін арнайы ad hoc төрелік соттың қарауына тапсырылуы мүмкін.

10-бап

Нидерландтар Корольдігі үшін Келісімді қолдану

Осы Келісім Нидерландтар Корольдігіне қатысты Корольдіктің Еуропадағы аумағындағы ғана қолданылатын болады.

11-бап

Өзгерістер

Уағдаласуши Тараптар осы Келісімнің барлық өзгерістері мен толықтыруларын осы Келісімнің 12-бабының 1-тармағына сәйкес күшіне енетін оған қосымша Келісіммен ресімдейді.

12-бап

Келісімнің күшіне енуі мен мерзімінің аяқталуы

1. Осы Келісім Уағдаласуши Тараптар бір біріне жазбаша нысанда олардың мемлекеттерінде бұл Келісімнің күшіне енуіне байланысты орнатылған барлық заң рәсімдерінің орындалуы туралы хабарлаған күннен кейінгі екінші айдың бірінші күні **кушіне енеді**.

2. Осы Келісім белгісіз мерзімге жасалды және Уағдаласуши Тараптардың бірі оны жазбаша түрде жойғанша күшінде қалады. Келісім екінші Уағдаласуши Тарап жою туралы мәлімдеме алғаннан кейін алты айдан соң күшін жоғалтады.

Осыларға куә ретінде, соған тиісті түрде уәкілеттілендірілгендер, осы Келісімге қол қоиды.

2000 жылғы 14 маусымда Астана қаласында екі данада, әрбірі қазақ, нидерланд, орыс және ағылшын тілдерінде жасалды, әрі барлық мәтіндердің бірдей заң күші бар.

Осы Келісімді түсіндіруде кез келген келіспеушіліктер болған жағдайда Уағдаласуши Тараптар ағылшын тіліндегі мәтінді пайдаланатын болады.

Қазақстан Республикасының

Нидерландтар Корольдігінің

Үкіметі үшін

Үкіметі үшін